

Communicaziun a las medias BCG

La Banca Chantunala Grischuna ed il Club da Hockey da Tavau cumenzan la stagiun cun lur partenadi cumprovà ed ina nova carta da credit

Cuira, ils 31 d'avust 2016 – Il Club da Hockey da Tavau (HCD) cumenza il settember la nova stagiun. Gia l'avrigl ha la Banca Chantunala Grischuna (BCG) communitgà ch'ella prolungheschia il partenadi da sponsoring cun il campion svizzer da record fin l'onn 2019. Punctualmain per il cumenzament da la stagiun pon ins ussa retrair la nova HCD Card da la BCG. Il design han ils fans dal HCD pudì cundecider en il rom d'ina enquista sin Facebook.

Ils fans dal Club da Hockey da Tavau han pudì [cundecider](#) il mars co che la nova carta da credit duai vesair ora. Els han pudì tscherner tranter trais motifs che mussan l'attaschadadad cun il campion svizzer da record e cun il Grischun. In mais pli tard ha la BCG annunzià ch'ella prolungheschia ses [partenadi da sponsoring](#) cun il HCD per trais ulteriurs onns fin il 2019. Las duas interpresas cumenzan en curt la stagiun da hockey sin glatsch 2016/17 cun lur partenadi cumprovà e la nova HCD Card da la BCG.

Ils avantatgs da la nova carta da credit HCD da la BCG

La HCD Card da la BCG è ina cooperaziun tranter la Banca Chantunala Grischuna ed il Club da Hockey da Tavau. Las prestaziuns ed il design da la carta da credit èn vegnids concepids cumpletmain da nov. Dasper ils avantatgs d'ina normala carta da credit profiteschan ils possessurs da la HCD Card da biglietti gratuits per partidas a chasa dal HCD, d'in servetsch pli svel, da la pussaivladad da pajar senza daner contant al stan da catering dal stadion e da la precumpra da biglietti en il fanshop dal HCD. Ulteriuras infurmaziuns davart la HCD Card da la BCG chattais Vos [qua](#).

Engaschaments da sponsoring dapi il 1999

L'avrigl ha la BCG prolungà il partenadi da sponsoring ch'exista gia dapi il 1999 cun il Club da Hockey da Tavau fin il 2019. Uschia tutga la BCG tar ils quatter sponsurs principals dal club da hockey sin glatsch. La BCG na sustegna betg mo l'emprima squadra, mabain er ils juniors. Cun la [scola da hockey BCG](#) porscha ella a mattettas e mattets da quatter fin otg onns in'occupaziun survegliada e raschunaivla durant il temp liber.

Contact per las medias:

Banca Chantunala Grischuna, Medias & Investor Relations, chascha postala, 7001 Cuira
Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'018 collavuraturas e collavuratur (stadi dals 30-06-2016). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaint semestril preschenta ella cun ina summa da bilantscha da CHF 23,654 milliardas in gudogn dal concern da CHF 90,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2016: 10 da favrer 2017
Radunanza dals participants: 8 d'avrigl 2017
